

«Neu e mira»

Il 41avel Top Pop Rumantsch

■ (cp) Radiotelevision Svizra Rumantscha (RTR) preschenta il 41avel Top Pop Rumantsch. Ina chanzun da Nadal cun il titel «Neu e mira». Quella vegn accumpagnada d'in videoclip armonic per il temp d'advent. La primaudiziun ha lieu ils 30 da november 2015 tranter las 07.00 e las 08.00 e da las 11.00–12.00 sin las undas dal Radio Rumantsch. In veritabel popsong da Nadal – quai è stà il giavisch per il 41avel Top Pop Rumantsch.

RTR ha chattà cun «Acavoce» in sextet che ha cumponì ed interpretà aposta per il Top Pop ina chanzun da Nadal. Per accentuar l'event festiv ha RTR produci in videoclip tar la chanzun. Uschia na po il public betg mo tadlar, mabain era guardar la chanzun «Neu e mira».

«Neu e mira» è ina chanzun cun ina melodia che va bain en l'ureglia e che ha in messadi classic: In simpel invit d'admirar la gischur e splendor da Nadal per

uschia pudair emblidar in mument tut las bregias e crisas che inundan il mund qua ora. La chanzun ed il videoclip datti da guardar e tadlar a partir dals 30 da november sin rtr.ch.

Las emprimas 30 chanzuns èn er disponiblas sin ils discs cumpacts Top Pop Rumantsch vol. 1 & 2. Dapli infurmaziuns davart la seria da Top Pop Rumantsch datti sut: www.rtr.ch/dossiers/top-pop-rumantsch



«Acavoce» durant la registraziun dal videoclip per RTR.